

清代宦臺人文獻選編 第三種

泰雲堂集

(二)

孫爾準 撰

卷

四

泰雲堂詩集卷四

金鎖 孫爾準 平叔

假歸集

題東坡書柳州羅陀廟碑後

唐宋推巨手莫過韓柳蘇所恨曠時代無由合爲徒豈知羅陀
碑事軼三賢俱清深變雄傑韓詞楚騷餘坡書信奇偉凜然見
眉須一百四十七徑寸龍宮珠暉暉照荒徼萬古光不渝柳侯
有惠政驅癘如鞭駑斯事雖怪誕我知良不誣至今賴遺澤叢
祠走村巫昔我越嶺嶠未踴龍城郭徒懷千載思引領中鬱紆
一朝拓此歸虹光立門閭敷衿自展拜藹若侍坐隅欲顏三賢
堂蕉荔薦清醑

寄秦秋南時客當涂

采石磯邊月清光爲爾流錦袍悲逝水彩筆駕高樓風雅前型
在聲名後起道倘吟新樂府應念大刀頭
官閣何瀟灑相鄰謝眺墳茶烹姑孰水窗落敬亭雲把酒今能
否論文夜每分故園梅信近幾日破斜曛

冬夜泊舟山塘行藥至千人石小憩

初月升林端氣寒夜逾靜舍舟覓招提孤筇領幽勝寺古門鑰
廢直上厯飛陞生公說法處亂石尙拱聽巨坡垣如削橫卧逾
幾稜樓閣懸烏巢諸響寂禪定冥坐忽照徹徑寸孤光瑩塵勞
半生事頓向一時屏俗情愛繇華歌吹晨夕競人烟蝕空翠山
色慘若病誰能夜氣中一睹身清淨

寄尤二娛

昨歲衝寒渡江北百里走與君話別今冬暫歸復訪君君已先

期向西浙浙中幕府凌江開龍飛鳳舞羣山來橫張秋色照詩
句狂吟置酒臨高臺一枝健筆挽强弩海門氣懾驚潮回可憐
耽詩性成癖不樂作官仍作客卻借明堂金馬才來草平臺鬪
雞檄此邦多士昔所聞君特冰鑑嫵妍分汝南片語有真賞冀
北一顧能空羣人倫風鑑在揚激卽此亦足明經綸男兒何必
腰垂紳我昔屢過西湖濱至今夢寐縈烟雲此中況復著佳士
湖山映發風光新臘殘幾日不能去湖口梅花笑殺人

題百雁圖

蘆花搖雪秋陰薄飛雁濛濛向空落薄莫寒聲起四圍此中定
有扁舟泊覆笥山下湖水清衡陽浦外圓沙晴漁火星星照幽
夢孤奴警夜如打更我昔江頭戀清景流年一別無由省眼明
見此一尺綃如向當時卧孤艇書迴似怯寒雲長陳斷初驚磧

霜冷一片嘔啞雜櫓鳴萬點淒迷亂萍影我聞呂紀金鑪邊慣
寫霜質嬉秋蓮壽民邊氏稍後出落筆疏迥追前賢可憐大幅
祇三四但取宿食飛鳴全何能盡寫一百匹鼓翼欲暗空江天
細看腹背各有態一一毛羽分清妍君不見入眼江湖稻梁短
後侶前羣增綴滿畫師爾向何處看接翅雙雙不驚散題詩卷
畫那忍懸悵我中年已行斷

遊華藏寺

吾鄉夙號山水窟林壑尤美西南偏扁舟剪破太湖水插波山
色搖青蓮華藏一穴誰所錮當時起芻如祁連楊髡去後魚燭
熄已恨奸骨汙寒泉黃腸散落玉鳬出御書剩有豐碑鐫金仙
厯劫身不壞至今白足安初禪五百年前事誰見蒼官髯古逾
彭錢珠宮紺殿切雲漢鐘鼓飄落喧龍眠諸峯塞門競欲入正

阻湖水不得前東西鰓豔隱蒼翠繚垣窈窕藏花田蒸霞團雪
十萬樹日色亭午蜂聲顛冷湖萬頃不敢碧漲空花氣成紫烟
初疑木佛乍燒却丹霞百重光絳天又疑館娃葬香骨依然笑
靨迴春妍所惜高亭圯堆玉不然正壓羣花巔昔年愛此屢曾
到坐看盡日忘飢煎空山蹋月自來去旁人不識爭疑仙今來
已乏濟勝具犖确乃藉肩輿肩湖山依舊照春色但憂逝水催
流年題詩留約質古佛信潮定逐鷗夷還

子瀟枉訪不值卻寄

計日待君至江頭盼幾回津亭乘汐出仙棹破雲來梁燕窺人
去庭花對客開可憐春九十寥落故園杯
琴川無百里消息苦難真聞有泖湖役將爲許郡賓雲淹天上
客花迂海邊春欲定相思處期君六六鱗

山墩坳

際曉東皋去平疇綠四圍
柵雞隨旭散野雉背人飛
風暖麥苗秀沙深豆莢肥
相逢有田父早息漢陰機
白屋吾宗在郊居跡每疏
課兒餘舊澤欬我說新畚
洗盞開家釀登盤薦野蔬
山川淳樸甚息壤共攜俎

江樓

江樓俯春曉水國易輕陰
寒結雲花澹風搖柳色深
寥寥長笛思漠漠去帆心
物態憑闌入蕭然付獨吟

送楊方叔

掄

之官天台

霞標百丈引輕輶仙令重來已
白頭行篋但餘黃卷在到官只
似赤城遊訟庭雲實垂陰滿古
洞胡麻當課收一斛青泥能餉
否栖溪雙鯉莫沈浮

題楊子鶴書牛

細草平原任寢訛，裴鞦和鞅謝。捥訶人生莫過田，家樂休唱南山扣角歌。

門前麥浪繡成堆，一笛橫吹夕照開。最好江村初夏裏，柳陰浮鼻渡河來。

不須誤筆學羲之，寫出垂雲端。月姿想見偏轅雙轂駛，洛城日落閉關時。

午霽

一雨逢午霽，春光爛不收。喧蟪趁蕊落，濕蜨抱花愁。婪尾餘寒淺，扶頭宿醉瘳。頗聞田父語，幾日及新甌。

餞春日陳竹士

基雲伯

文述

枉訪飲於惠麓，卽送雲伯之

官皖江竹士之餘干時令弟浣香

晉

同年爲餘干令

餞春筵上餞君行相見相辭一日并京國衝塵同拊馬江鄉鬪
酒暫聽鶯栽花官肯輸潘令賣賦人猶識長卿莫向清時誇吏
隱從來撫字賴儒生

頻歲牽絲送故人此行吾輩欲空羣琴心靜寫餘千水鳥影晴
飛霍岳雲鷗鷺春江猶戀我離渠秋野最憐君明朝三處空相
憶莫惜清尊共夜分

喜明叔歸

杜鵑聲裏卸歸鞍訝爾清霜上鬢端幾度別成今日老十年春
在異鄉看詩篇滿袖狂猶昔櫻笋開筵酒易乾莫倚半酣譚往
事心情已似越梅酸

朱升華

清泰

子平

際泰

招飲醉後作歌示同席施雪帆

晉

王玉章

珙

溯川

文派

沈秋苑

兆煌

諸子

君不見閑關投轄陳孟公尙書有期不敢通隴西李白稱豪士
一勺鷗鷺共生死平生我亦澹蕩人散髮歸弄江南春眼前突
兀有數子臨觴嘯傲氣益振人生毀譽隨處有良璞胡煩泣相
剖世間除却金叵羅萬事何堪挂人口櫻桃頰紅蠶豆綠石首
魚肪白如玉沙棠甘脆置兩頭拍浮一生良亦足古今磊磊貉
一邱只數稽阮能清遊年華刷電詎堪把事業需時安可求坐
中施子最先老朱生齒較沈郎少肉從糟後耐長年麴蘖應勝
金石好勸君莫作斫地歌所貴百體還天和灞陵亭尉爾何物
吐茵不畏丞相訶醉眼休驚日月簸天體由來似旋磨莫憂客
醉無處歸長廊自抱空罍卧

題鄒黎眉畫花卷子

國初畫品首惲格同時王武爭雄伯吾鄉名輩誰鼎分黎眉欲

效漁漁席漁漁沖澹本詩人丹粉中有詩意存黎眉工意亦工
似刻畫纖末分枝根卽如此卷花幾種朶朶風前各矜寵天機
到處不得閑蝴蝶飛來花欲動碧梧主人鑑別精春花豔冶秋
花清倚闌次第百花發展圖對看無譏評我曾久借愧摸勒風
枝螭筆空縱橫尙喜風流未消歇城北近有東霞生

臺警書事

軍書插羽動柴荆覆鼎山前堠火驚鯨鯢無端翻海窟紙鳶一
昔墮臺城瘴深篁箐滋遺孽浪蹴潢池敢盜兵李廣威名驚破
膽先驅急望

賜專征

遠道西師枕席過又傳

禁旅渡淮河樓船宿將韓梅海浪泊新軍馬伏波急遣木鷺排

鐵陣佇翻朱鷺入，饒歌奇功要勒南荒壁。誰有鴻文盾鼻磨，祇須休使煽生番。玉石何從問燎原，山賊徒聞驚海若。水仙急待葬孫恩，窮追徧繞鯤身島。扼險先趨鹿耳門，著手已知成破竹。莫教釜底走餘魂。

書生報國一身輕，効死猶能借背城。裹革似聞尸未毀，歸元定

見面如生戴星誰憫麻衣走入夜，應提鐵騎行傳語親朋休盡

哭幾人身後保榮名。

弔鳳山令
吳兆麟

目存和尚畫重臺，桂卷爲陳雲濤題。

斧聲丁丁廣寒裏，吳剛斫桂落桂子。移根不受下土汙，委地金鱗瘦蛇死。素娥愛惜滋靈液，月府重招舊清魄。不是尋常四出花一枝，展破秋雲碧。風刀細翦黃蓓蕾，巧出新意爲重臺。蜜脾罌房金盞小，香粟攢雪絳毬開。分來定是郗詵種，霓裳省識釣

天夢清芬簪帽御烟籠濃芳惹袖天風弄賸留清影畫堂東元
霜夜洗秋香空仙人錦袍逐逝水衲子手跡參神工前年秋滿
金輪地孫枝又挺崧山穗再探瓊林第一花人間始識重臺瑞
慈雲寺

蘭舟箇箇蕩朝暉到寺銅鑲乍啓扉山色亂堆諸佛髻湖光多
上麗人衣紅蓮墮處魚猶噉碧葉香時露欲飛曲曲朱闌懸酒
幔醉漚有客竟忘歸

泛月

明月靜紅樓湖光一縣浮澹妝未麗鬢清夜木蘭舟香霧爐烟
細涼雲燭淚流何當學徐福直爲訪元洲
洛浦尋遺珮江皋颯莫旗夫容化人宅楊柳水仙祠天淨流星
曆秋澄寫月姿遙空流鳳吹相和倚參差

夏秋泛月至南禪寺和顧蘊山韻

蕩槩月華散金波逐浪明秋沿紅蓼遠涼挾白鷗輕河鼓誰能
問參旗漸欲橫稻陂行不盡閣閣起蟆更
樹亞風無色蘆高雪有情廣場局月靜孤塔礙雲行守鑰魚難
寢投簷鴿不驚忽飄鐘磬響袪暑頓教清

山中這暑

日翻波沸覺舟輕這暑剛逢第二庚出峽泉聲增激壯近山雲
氣亂陰晴六朝松古龍身老七椀茶烹雀舌清歸路絺衣動風
色菰蒲向晚已秋生

夜坐

螢火星星著案頭掩書清坐上簾鉤祇今身世烏三匝自古勲
名貉一邱獨夜蕭蕭青桂冷殘星歷歷白榆秋歲華卽次成搖

落何必聞雞始欲愁

題高忠憲公正命遺札後四十韻

吾家有老屋結構東林傍少小識門址嬉戲循宮牆夙聞鄉先輩顧高此提倡講學祠道南躡屐依庸堂魏舒愧宅相端文吾渭陽隨母言歸寓扁舟造涇塘拜觀小心齋遺書燦鉛黃經義炳日星道脈垂天潢崇儒際

聖代兩廡陪烝嘗所痛獨忠憲覆盆劇堪傷從容存國體以此扶朝綱草奏上別君遺書下呼將至今弔止水湛碧如清湘屈平有遺則招魂歌九章如何妄吹疵輪迴侈渺茫豎儒好歧議鄙士困拘方詎知忠貞性歷劫不可忘姚江秉良知末流已披猖惟公學主靜篤實祛禪障操戈作輪攻黑白變藍霜殘碑甃祠壁垂暉照中唐今來覩墨本七葉文孫藏紙墨見慘澹沈星